



COVID-19 NIPIWI ÁKOSIWÁSPINÉWIN

COVID-19 oota Mantioba

Oski asooskamaatowin COVID-19 ee isinikaatakik aasay takon oota misiwee askiiya. Kakinaw awiyak nataweenitam kawisk kita itootak eekaa ta mooskiimakak ooma asooskamaatowin.

Kékwán anima COVID-19?

Anima COVID-19 asóskamátowin itowa éko akosískákowak ininiwak ékwéniw. Nanaatok isi mooskipaninwa anihi pisisikaapatameeka (taapiskooc; kisisee wipaniwin, ostostotamowin, kaa taapitawi otakikomiyaw eeko kaa kaakii cikotwaskeeyan) weekaa nawac kaawii isi macamacihoyan (taapiskooc; kaawii nooteetaamoyan weekaa kaa aanimitaayan kawisk ta pakitataamoyan).

Awina máwaci nanísánihot óma ta kácitinak ákosiw COVID-19?

Átit ininiwak móna náspic nántaw kita itiskákowak anihi pisiskápataméka. Átit náspic kita kici ákosipaniwak. Anikik máwaci ká nanísánihocik kita kácitinakik anihi ká ákwaki pisiskápataméka ayawak:

- anikik ásay nikotwásimitanaw askíya ká tatwáskínécik wéká nawac ká kayitéyátisicik
- anikik ininiwak ká ayácik ákosiwín é tápitawi nócihikocik (tápiskóc sokáwáspinéwin, otéhi, micicikotisiway wéká ohpan nántaw é isi nenétáwi nócihikoyan)
- ininiwak éká ká kaskitácik omíyaw kita natawihisonániwak (tápiskóc anikik ká ayácik mancósiwáspinéwin)

Tánisi kéki isi pisci kácitinakik anima ákosiw COVID-19 anikik ininiwak?

Ininiwak kitakii kaacitinamwak anihi aakosiwin COVID-19 weesaa ciikic (niiso mispitona/nikotwaasik misita) inikok kaa ayaat anima aakosiwin eeko ee ostastotaminit weekaa ee caacaamonit. Takii aasowitonaaniwan miina kisaaspin awiyak keekwaan taakinaki weekaa ita kaa ayaamakak anima asooskamaatowak eeko ee ati taakinaman kitoon, ki skiisikwa weekaa kikit.

Eekosi kee isi pisci kaacitinaman anima aaskowin COVID-19 mwaac naaspic eekosi ispaniw eeko miina kikakii nakaaskeen eekaa eekosi ta ispanik kissaspin waa wiipac kisiipeekiciceeyani.

Taanisi keekii itootamaan eekaa ta pisci kaacitinaman anima aakoswin COVID-19?

Taapitawi waa wiipac kisiipeekicicee. Kisiipeekcicaakee kisiipeekinikan ee kiisowaakamaapoy ta aapacitaayan naantaw inikok 15 ta iskwakitaasoya. Kawisk paakociceeho. Ininiwak miina takii aapacitaawak ee aako-maskikiwaakamik kisiipeekcicaakaan apook eekaa wiinipiciceeyani.

Éko mína kikakí:

- Kipocaapahoso kaa ostostotaman weekaa kaa caacaamoyan. Ki nakwaak isi ostostota weekaa kispikonik, mwaac wina isi ki ciciik.
- Manaa taakina ki kwaakan.
- Kiikik ayaa kiispin otiina ki taakosin kiyaam apook ee moci moositaayan anihi pisisikaapatameeka.
- Kisaaspin ki taakosin, peeyako ayaa naantaw itee eeko kaawina apook ciikic naasik anikik kaa wiiceeyaamacik, eeko itotee ita ta waapamikawiyán eekweeni oci.
- Pimitisaya anihi mámawi mino ayáwin kakánokémonána ká takoki óma tánisi ta itótaman ta péyako ayáyan nántaw ité éko kita pimi nákcihikawiyán máti ké ati isi ayáyan.
- Kisipékicicékan ispík kí:
 - nántaw ité ká itotéyan wéká ká ati nakataman
 - ká iskwá ápacitáyan pamihisowikamikos
 - ká nócitáyan mícima
 - eemwees mweeci miicisoyan weekaa maaci aapaitaayan anihi keekwaana kakinaw awiyak kaa nitaa taakinakik ta aapacitaacik
- Kisipékicicéwáké kisipékinikan éko ékisowákamik nipiy ta ápacitáyan nántaw 15 kita iskwakitásoyan éko mitoni kawisk pákocicého. Kisáspin mwác kikakí kisipékicicán, anihi ápacitá ká maskikíwákamiki kisipékicicéyápoya.

Kikiska ákwacápahon

Náspic anima kisténitákon kita tápitawi kikiskaman anima ákwacápahon éká ta pisci ásóskamátocik ininiwak anima ákosiwin COVID-19. Pociska anima ákwacápahon kisáspin nántaw ité pítikwamik kitayán ká nitá mámawáwanitocik mána anikik ininiwak, wéká ocitawi piko cíkic kita wíckápawistawat kotak awiyak.

Oskaa-mino-aapatan kiskeenitamowina ootee itaapi [Manitoba.ca/covid19](https://manitoba.ca/covid19).